

til að halda prófið, skal sá, er löggildingar æskir, leggja fram gögn, sem eru óyggjandi að mati stjórnarráðsins, fyrir því, að hann hafi erlendis gengið undir próf hjá þar til hæfum mönnum, er sýni, að hann kunni hið erlenda mál nægilega. Jafnframt skal hann ganga undir próf hér á landi, er sýni, að hann ráði til fullnustu við íslenska tungu.

7. gr.

Að loknu prófi sendir prófandi stjórnarráðinu skýrslu um niðurstöður prófsins. Skal hún orðuð svo, að próftaki hafi kunnáttu til að öðlast löggildingu sem dóm-túlkur og skjalapýðandi, bæði úr íslensku á hið erlenda mál og úr hinu erlenda máli á íslensku, eða að hann hafi kunnáttu til að öðlast löggildingu sem skjalapýðandi eingöngu, eða þá að kunnátta hans sé ekki nægileg. Skulu prófdómendur undirrita skýrsluna með honum, og skulu fylgja henni hin munnlegu og skriflegu verkefni sem og úrlausnir hinna skriflegu verkefna. Veitir stjórnarráðið síðan löggildingu í samræmi við niðurstöður prófnefndar.

8. gr.

Reglugerð þessi, sem sett er samkvæmt 2. gr. laga nr. 32 2. nóvember 1914, um heimild fyrir stjórnarráðið til þess að veita mönnum rétt til þess að vera dóm-túlkur og skjalapýðendur, öðlast þegar gildi. Jafnframt er úr gildi numin reglugerð um sama efni nr. 4/1935.

Dóms- og kirkjumálaráðuneytið, 9. janúar 1980.

Vilmundur Gylfason.

Hjalti Zophoníasson.

4. janúar 1980.

Nr. 5.

REGLUGERÐ**um 8. flokk Veðeildar Búnaðarbanka Íslands.**

1. gr.

Veðeildinni er heimilt að gefa út nýjan flokk bankavaxtabréfa og verða þau kölluð 8. flokkur.

Fjárhæðir bréfanna skulu vera 500 000, 100 000, 50 000 og 10 000 krónur og skal hver deild hafa sérstakt bókstafseinkenni, en hvert bréf tölusett.

Bankavaxtabréfin skulu afhent eingöngu til greiðslu á lausaskuldum bænda vegna framkvæmda, jarðakaupa, véla-, bústofns- og fóðurkaupa, sem þeir hafa ráðist í á árunum 1970—1979, að báðum árum meðtöldum.

2. gr.

Til tryggingar bankavaxtabréfum þessum er:

- 1) Veðskuldabréf þau, sem veðeildarflokkurinn fær frá lántakendum.
- 2) Varasjóður veðeildarflokksins.
- 3) Ábyrgð ríkissjóðs.

Ef taka þarf til trygginganna, skal það gert í þeirri röð, sem að framan greinir.

3. gr.

Bankavaxtabréfin eru verðtryggð að fullu miðað við lánskjaravísitölu útgefna af Seðlabanka Íslands.

Hækkun lánskjaravísitölu greiðist út við útdrátt bréfanna.

4. gr.

Afborgunum og endurgreiðslum lána skal varið til innlausnar bankavaxtabréfanna og fer eftir hlutkesti, sem notarius publicus hefur umsjón með. Þegar hlutkesti hefur farið fram, skal auglýsa í Lögbirtingablaðinu með 6 mánaða fyrirvara tölurnar á bankavaxtabréfum þeim, er upp hafa komið til innlausnar. Gjaldtagi innleysta bréfa er 2. maí ár hvert.

5. gr.

Fé veðdeildarflokksins má lána gegn veði í fasteignum bænda. Lánsfjárhæðin má eigi vera hærri en svo, að hún, ásamt áhvilandi skuldum á fyrri veðréttum fari ekki fram úr 75% af matsverði veðsins.

Lánstíminn skal vera allt að 10 árum.

Lánin eru greidd í bankavaxtabréfum, sbr. 1. gr.

6. gr.

Að öðru leyti gilda almenn ákvæði laga nr. 34 29. maí 1979 um Veðdeild Búnaðarbanka Íslands og laga nr. 33 29. maí 1979 um breytingu á lausaskuldum bænda í föst lán.

Reglugerð þessi er sett samkvæmt lögum nr. 33 29. maí 1979 um breytingu á lausaskuldum bænda í föst lán og öðlast þegar gildi.

Landbúnaðarráðuneytið, 4. janúar 1980.

Bragi Sigurjónsson.

Sveinbjörn Dagfinnsson.

AUGLÝSING

**um breytingar á samþykktum fyrir Sparisjóð Ólafsfjarðar nr. 145/1943,
sbr. og samþykkt nr. 219/1947.**

1. gr.

2. gr. hljóði svo:

Sjóðurinn er stofnaður til að geyma og ávaxta peninga og greiða fyrir viðskiptum sérstaklega fyrir íbúa Ólafsfjarðar. Stjórnendur sjóðsins skulu eiga heimili í Ólafsfirði.

2. gr.

7. gr. 3. mgr. hljóði svo:

Starfsmenn sparisjóðsins skulu ráðnir til eigi skemmri tíma en eins árs í senn, og er stjórninni heimilt að segja þeim upp starfinu eða víkja þeim frá fyrirvaralaust, ef henni virðast nægar sakir til. Skal formaður stjórnar þá kalla saman aukafund aðalfundarfulltrúa þegar í stað, og leggur sá fundur fullnaðarúrskurð á málið.

3. gr.

11. gr. hljóði svo:

Stjórnarfundir skulu haldnir minnst einu sinni í mánuði, og ákveður stjórnin hvernig skuli hagað daglegri starfsemi sjóðsins.